

Երևանից ձեզ լաւ գրքեր ուղարկեմ, հաւաքուել ամեն կիւրակէ եկեղեցոյ սենեակումը և կարդալ միասին: Ամենքը խօսք տուին և արդարև ես Երևանից Ռուսաստանի հայոց անունով յիսուն կտոր գրքեր, գլխաւորապէս ազգային վիպասանութիւններ, ուղարկեցի Մագու, որոնք հաւաքել էի զանազան անձնաւորութիւններից:

Տէրտէրը ինձ խորհուրդ տուեց, որ լաւ կը լինէր յորդորական մի թուղթ ևս ուղարկել եկեղեցումը կարդալու և ես ուղարկեցի նրանց իմ շրջաբերականը:

Այդ միջոցին, կարծես, ես լինէի ամենայն հայոց ընդհանուր Վաթողիկոսը:

«Լրագիրներ ստանում էք», հարցրի:

— «Մեզ նման ուսմիկներին ի՞նչ է սազում գազէթ կարդալ» պատասխանեցին:

Նրանք կարծում էին, կան շատ բաներ, որ ուսմիկները իրաւունք չունին վայելելու:

Լրագիրների վերայ խօսք բացուելիս, նոցանից մէկը հարցրեց, արդեօք ճանաչում էի ես Մշակ արքեպիսկոպոսին:

«Ի՞նչ Մշակ արքեպիսկոպոս» պատասխանեցի:

— «Նա որ գազէթ է գրում» — պատասխանեց Մագուեցին:

Հասկանալի էր որ, «Մշակի» մեծ խմբագրի համար էր խօսքը: